

FARISEO DEN BACHI KRISTIAN

JC and Friends a kumpli 5 año



E banda JC and Friends riba 31 di mart a kumpli 5 año. JC and Friends ta un banda ku a lanta entre amigunan i ku 5 año despues ta mas ku un famia. E banda a enfrentá hopi reto. Pero tin tambe hopi logro riba nan nòmber. "E amor pa e músika krioyo ta biba den kada un di nos su kurason. JC and Friends a sa di pone su stèmpel den ámbito krioyo, tresiendo un tremendo vibra i hopi ambiente den kada un presentashon," Jurnick Clarinda lider di e banda a bisa. Di parti BONERIANO masha pabien.

\$10 FREE SLOT PLAY

Sign up for your **FREE Player's Card** and receive \$10 in **FREE Slot Play!**

Open Monday - Saturday 8pm to 4am | Sunday 7pm to 3am | (596) 717-3504
diviflamingocasino.com | ATM available

DIVI FLAMINGO CASINO

CHANGAN AUTO

CS55 PLUS

[/dabboussimotors](#)

xerox™

OBERSI ELECTRONICS BONAIRE

Ménos supervishon riba gobièrnu

PAG 4

MANTENE BO VEHIKULO OF EKIPO DEN KONDISHON KU PIESANAN KUMPRÁ NA NAPA

NAPA

SABADA \$5000 BIG SALE

UP TO 70% OFF

\$6 p/m²

TILES

GARTISH #1 on the island

KAYA BONGO # 8, NIKIBOKO ZUID

LIVE FM 99

Produsí pa FuHiKuBo

Programa spesial dediká na Eligio Melfor

KRALENDIJK – Fundashon Histórikò Kultural Boneriano (FuHiKuBo) a produsí un programa spesial dediká na Eligio Melfor, aktor kómiko yu di Kòrsou, kende a fayeresé resientemente. Mañan djadumingu su entiero ta tuma lugá.

E programa spesial aki, di un ora i mei di durashon, ta hinká den otro basá riba un entrevista profundo ku Bòi Antoin, presentadó di Herensia, a tene masoménos 7 aña pasá ku Eligio Melfor na su kas situá den

e bario Brievengat. El a bai hopi den detaye, papiando di su infansia, su hubentut, mayornan i di mes di su pashon pa teatro.


Atrabes di añanan Herensia tabatin diferente entrevista ku personanan ku a konosé Eligio, entre otro personanan ku a aktua den su obranan, manera Sidney Sambo (Chobal) i Luis Rubio, Tambe ku Percy Jeandor ku a interpretá papelnan di Eligio Melfor den ‘Den Pèrtá’ i ‘Esta Kurashi’ na Aruba. Eddy Pieters

Heiliger tambe den un programa bieu di Herensia a papia di Eligio.

Mas aleu Rudy Domacassé i Marco Marchena ta papia di e embolbimentu di Eligio Melfor ku Boneiru desde segundo mitar di dékada setenta.

E programa spesial aki ta hopi variá i dinámiko. Rudy Haakmat, kamarógrafo ku a graba hopi di e spòtnan di televishonnan ku Eligio a traha, a duna aprobashon pa usa e skèchnan aki.

E programa ta kuminsá durante tres dia. E lo pasa pasa awe mèrdia 12'or na tambe na TeleCuracao i Bonaire.tv, ku ripitishon TeleAruba e wikènt aki.



Binti finalista Kanto Krioyo

KRALENDIJK -- Djaweps tabata e di dos anochi Festival Kanto Krioyo 2023 i e último anochi preliminar. Awe djasabra, ta e anochi final i 20 kantika a pasa pa e final di Kanto Krioyo 2023.

Riba e di dos anochi tambe bon kantika a zona i e mihónan a pasa pa awe. Ta premirá ku Stadion Antonio Trenidad ta bai ta yen di hende pa presensia e agrupashon musikal i nan kantante preferí.

Klasifikashon

JC & Friends - Jurnick
Clarenda - Aimee Janga

Foyan Boyz - Geraldine
Delacourt - Sigmaira Mercera - Johnny Vlijt - Gefely Vlijt

FMK - Dayron Coffie -
Rayshantely Coffie

Nel i su Grupo - Nel Piar
Palu Grandi - Luis Moka
Jomp Krioyo - Narda
Janga - Ray Doran

Grupo Eso - Frendsel

Pauleta - Francel Sisi Janga
Tuti Fruti - Urvin Frans
- Wesley Sintjago - Huntley

Seruas - Reginald Jonchi
Dortalina
Rítmiko Timon - Jona-

than ‘Gogo’ Martijn - Cliftonjohn Martines.





N
E

Pa Ret Karibense mi a bai Sint Maarten, djis algun dia pa trabou. P'ami, ta keda algu straño kada bia ku mi sali for di mi propio alrededor. Topa ku diferente persona. Naturalmente mi ta gosa di e isla, e naturalesa i paisahe. Mas aun mi ta gosa di e hendenan, bai den kombersashon ku personanan deskonosí. Mi yunan ta yama mi kaweta i semper e palabra aki tin un tono mas negativo kuné. Miéntas ta komplementamente lo kontrali. Den un kombersashon ku doño di Sint Maarten News, mi a komprondé ku hustamente mi curiosidat ta hasi mi asina adekuá pa ku e funshon aki. Sigur ku mi ta curioso, i no pa sa redu òf drech'i hende. Sí mi ke sa kiko ta pone hende aktua di tal manera, kiko ta pone nan 'oloshi tek'.

Mi a 'gara' mi mes den kombersashonnan ku a dura ora largu. Mi a subi bús kore drenta den bario i djis bai sinta na un tienda òf bar i kombersá. Esta dushi konektá ku hende straño i realisá kuantu kos nos tin komun.

Mi kasá a kompañá mi. Manera semper, kaminda ami bai e ta bai mi tras. E ta ninga pero mi ta sospech'e di no ta konfia ku mi por sòru pa mi propio seguridat. Aunke ora mi puntr'e e ta ninga.

Nos último dia na Sint Maarten mi a bai den kombersashon ku un Merikano. Un hòmbler bon tené pero bo por mira ku e ta di edat avansá. E tin 18 aña bibá riba e isla. Awèl lesadó, m'a papia amplio kuné. El a kombersá bon habrí ku mi, sigur kasi 2 ora. El a konta den tur honestidat ku el a kai 30 aña será pa homisidio di su pareha. El a splika su eksperensia ku prizòn i su lucha pa sigui un bibá pafó di trali. Mi a keda di plak na su lepnán, di lòk riba kada palabra. Tur kos a kambia na momentu ku mi a puntr'e si tabata fásil pa haña pèrmit di estadia ku un karchi penal asina pisá. Mas anochi riba kama mi kasá ta bisa. "Bo a mira dikun mi no por laga bo, bo so? Bo ta hinka bo mes den problema ku un smail riba bo kara."

FARISEO DEN BACHI KRISTIAN

KRALENDIJK- Eks lider di partido polítiko MPB, Elvis Tjin Asjoe ta kompartí su punto di bista tokante e kampaña polítiko tras di lomba. Un kampaña ku e ta denominá komo 'sushi i bou di faha'. E ta pone énfasis riba pionan durante kampaña ku básikamente ta fariseo den bachi di kristian. "Ami semper ta dispuesto pa sinta habrí den un programa i amplia riba tur topiko. Mi no por a imaginá mi kon pueblo por a bai tra'i ko'i loko. Engaño i kosnan emoshonal a haña rais mas profundo ku tur loke nos a logra. Mi no ta tuma e pueblo na malu. Sí, mi ta tuma na malu esnan ku supuestamente tin Boneiru na pechu, esnan ku tin Kristianismo te den nan alma pero a baha nan mes asina bou i hiba un kampaña asina sushi, pone ku nos hendenan a pensa ku pasombra ta Kristian i na kredibilidat ta asina haltu pues mester ta bèrdat loke nan ta bisa. Mi no por imaginá mi ku nos hende-

nan, sali fo'i MPB lo a bai asina leu", Tjin Asjoe a amplia basta indigná.

Kampaña bou di faha

Segun Tjin Asjoe na momentu ku Demokrat a sali i bisa ku gobièrnu a hisa tur hür di kas a okashoná basta daño na partido blou. "Si ta e tipo di polítika ei nan ta usa, ta komprendibel ku den e fase di orientashon nos no sigui papia mas." E ta bisa e informashon no ta korekto i ku eks diputado Nina den Heyer por a ak-lará henter e situashon pero a skohe otro. "Dikon el a keda ketu? E por a sali i bisa pueblo 'mea culpa'. Ta ami i Gianni van der Heuvel a inisiá e proyekto di hür aki", segun Tjin Asjoe. P'e ta inaseptabel ku den Heyer nunca a sali den publisidat i duna splikashon korekto na komunidat. "Nina tabatin influencia durante e kampaña. E topiko aki a impaktá komunidat boneriano asina grandi pero bo a keda ketu. Gianni ta riba

lista di Demokrat i e tampoko a bisa nada. Esaki ta bisa hopi di un partido ku ta gaña pueblo. I ta bisa hopi di abo komo persona ku a kuminsá un proyekto asina bunita pa interes general pero bo no ta bisa nada."

Desensia ta mas ku un tishùrt

"Desensia tá pa sali dilanti i klara bo pueblo. No bin bisa mi bo no ta den polítika mas pasombra ora ta kumbiní sí bo ta sali i demonstrá sosten i bisa bo ta desente", Tjis Asjoe a bisa. Tambe el a desaprobá e echo ku Gianni van den Heuvel a bai den publisidat kondenando e sistema di OVO. "Pero mesun Gianni no a skirbi ku e tin un kolega ku OVO. Mi mes a tuma e persona aki fo'i diputado den Heyer te awe ku un OVO. Gianni no ta di akuerdo ku e kolega aki tin OVO? Òf algun sí otro no?", Tjin Asjoe a agregá.

E ta sigui bisa ku no mester lubidá ku bida ta kareda largu i tin yen buèlta. "Demokrat a bai dilanti na voto, kasi dòbel pero bo a saka mesun asiento ku promé. Esaki ta bisa suficiente, na momentu ku bo aktua ku mala fe. E koalishon ku a haña tantu gòlpi di engañonan a keda ku mesun 5 asiento, pues e mayoria. Mester tin un man di Dios riba e koalishon. Aunke Demokrat tabatin ayudo di tur nos hendenan, ku motibu ku nan ta haña bálido, a kana papia malu di nos. Esei ta e logro di Demokrat? Nunka mala fe lo gana bondat. Ser habrí i transparente pa bo por tin bos pa kuestioná otro." BONERIANO aserká eks diputado Nina den Heyer pa un reakshon pero el a reservá di amplia riba e topiko. "Desensia ta keda ketu ora bo sa ku si bo papia bo ta hasi mas daño", segun den Heyer.

Gianni van der Heuvel no a reakshoná.

Ta trata di Ludwig Cicilia

A identifiká karpachi

KRALENDIJK— Djabièrnè 31 di mart atardi a drenta notisia ku a identifiká e kabes di karpachi ku a haña luna pasá. E karpachi ta pertenesé na e hòmbler Ludwig Cicilia alias Spèkè ku ta pèrdí for di 12 di yanüari.

Despues ku a konfiská e karpachi, a manda esaki instituto forensiko na Hulanda pa investigashon.

Tin indikashon ku kachónan ku ta move den e área lo mester a trese e karpachi kantu di kaminda.

Entretantu famianan ta na altura i ta kontinuá ku investigashon di e kaso. Fuente; Live 99.

Te na momentu di sera nos edishon, no por a haña konfirmashon di e kaso serka bosero polisial.

Boneiru bo ta kla

Arthur Kelly
The King Show

Live di 2pm pa 4pm
a traves di bo

Radio **BròKèS**
93.5 FM
"positivo i dibertido"

Skuch'e
Di Aruba pa Boneiru

ENTRANTE;
Djárason 22 febrüari 2023

www.radio935bonaire.com

Ménos supervishon riba gobièrnu

KRALAENDIJK – Hulanda ta bai minimalisá e supervishon na Boneiru, St. Eustatius i Saba. Asina ta adaptá e supervishon riba desishonnan di personal legal i tambe e supervishon riba maneho finansiero.

Aktualmente gobièrnu di e islanan ainda mester laga Representante di Reino ratifiká nan desishonnan relashoná ku personal pa haña forsa hurídiko. A introdusí e stipulashon akí e tempu ei pa garantisá bon

governashon.

“Desde puntonan di salida pa bolbe tin konfiansa, reforsá e libertat di e entidatnan públiko i konektá mas riba e sistema legal na Europa Hulandes, ta proponé den e revishon di WolBES pa kita e supervishon di desishonnan di personal,” Sekretario di Estado, Alexandra van Huffelen, ta skirbi Tweede Kamer.

Maneho finansiero

Mesun aserkamentu ta tuma lugá dentro di FinBES. Serka e kambionan proponé di FinBES, ta mira pa ménos burokrasia i ku esaki pone ménos preshon riba e aparato gubernamental.

Asina ta proponé pa mas konfiansa ku ta dirigí su mes riba diferente reportahe di ehekushon na Konseho Insular ku bista riba e aspektonan di presupuesto i maneho finansiero.

Tambe ta identifiká

modelonan di supervishon i introdusí supervishon finansiero. Esaki ta hasi e sistema di traha i redukshon di e gastunan atministrativo di e entidatnan públiko posibel, segun van Huffelen.

“Sí un entidat públiko ta presta manera mester ta, tin supervishon leve. Kaminda tin mester di mas supervishon, ta hasié. Den liña ku munisipionan Europa Hulandes den e nivel di supervishon leve, Konseho Insular no tin mester

di stipulá presupuesto di e entidat públiko. Tambe ta skrap e stipulashon di e minister di asuntunan interno di e presupuesto di un entidat públiko sí Konseho Insular no hasi esaki na tempu,” e sekretario di estado a duna di konosé.

Ku esaki no ta aktua mas den e derecho di presupuesto di Konseho Insular. E kambionan akí den e regulashon ta kondusí ku ta trata e entidatnan públiko igual, segun van Huffelen.

Bishita pa trata pasado di sklabilitut na FuHiKuBo

KRALENDIJK – E siman aki un delegashon di BZK, ku ta e ministerio di Asuntunan di Interior di Hulanda, a bishitá FuHiKuBo pa papia riba pasado di sklabilitut, den kuadro di e echo ku dia promé di yüli awor ta konmemorá 160 aña di abolishon di sklabilitut. Den e kuadro aki por spera hopi aktividat finansia pa Hulanda.

E delegashon tabata enkabesá pa Roald Lap-

perre, direktor general di BZK, kompañá pa kolaboradornan di maneho di Relashonnan den Reino (BZK) Jelle de Vries, Amber Hof i Tess Martina, ademá Joost Kuggeleijn, funshonario di OCW, enkargá ku direkshon di Herensia i Arte.

Emma Pratt i Bòi Antoin di FuHiKuBo a splika kiko e fundashon ta hasiendo i kua ta nan nesidatnan pa por hasi mas.



Pero sí yudansa

No ta bini plaka di fondo sosial pa Karibe Hulandes

KRALENDIJK – Ounke pertenesiendo na Hulanda, Boneiru, St. Eustatius i Saba, no ta bini na remarke pa kontribushon for di e fondo sosial europeo, e asina yamá medionan ESF+.

E munisipionan partikular tampoko por hasi apelashon riba e 15.8 mion ku Gabinete ta pone disponibel pa e próksimo kuater aña pa ayudo di kuminda, paña, artikulo di skol

i produktonan di kuido, pa famianan vulnerabel. Pa esaki Minister Carola Schouten di maneho di pobresa, ta bini ku un regla apart pa islanan BES.

“Di mes mi ta proponé tambe èkstra plaka disponibel pa habitantenan di Boneiru, St. Eustatius i Saba, riba un manera igual pa por sostené e tema akí. E medionan ESF+ no ta disponibel pa Karibe Hu-

landes, pero mi ta duna Karibe Hulandes minimal un parti komparabel pa ayudo di kuminda i siguridat di kuminda,” e mandatarario ta skirbi Tweede Kamer.

E minister a indiká ku e ta bai den kombersashon ku e kolegionan ehekutivo nobo tokante kiko e islanan adishonal tin mester pa aserkamentu di pobresa i debe. E ta atendé ku urgensia ku e tema akí.



POLÍTICA

Segun Aljano Emerenciana:

“Nos pueblo ta nenga bon”

KRALENDIJK - Despues ku a bira konosí ku partido UPB i partido MPB a forma koalishon, BONERIANO a aserká lider di partido 1Union pa Pueblo pa su reashon tokante e formashon nobo.

Aljano Emerenciana ta basta sorprendí ku apesar di vários rapòrt ku a indiká defisiensia i doló di pueblo,

tòg pueblo a skohe pa e mesun gobernashon. “Kiko ami komo lider di partido por bisa? Pueblo a skohe mesun tipo di gobernashon. Durante kampaña nos a bini ku henter un programa di gobernashon. Úniko kos ku mi por bisa ta ku e pueblo ta nenga bon. Si bo ta nenga bon?

Bon bon e ta. Pueblo a

haña e gobièrnu ku e mere-sé i nos ta felisitá pueblo”, el a bisa. Emerenciana a gradisí tur e 287 hende ku a depositá konfiansa den su partido i a demonstrá ku nan si ke un kambio. “Nos ta trankil ku nos konsenshi na lugá. Nos ta ku Dios i Dios ta ku nos”, segun e lider di partido 1Union pa Pueblo.



‘URB ta para tras di koalishon nobo

KRALENDIJK - “Di bèrdat ta UPB i MPB mes mester sigui huntu”, ta palabranan di Suzy Thodé, e ta lider di partido polítiko Union Revolushon Boneriano (UPB). E ta reashoná riba formashon di koalishon aktual. “Mi sa kaba di James Kroon i durante e debatenan mi a konosé Hennyson komo lider polítiko. Pues konosiendo tur 2 lider mihó i ora mi wak e kolaborashon di e último 4 aña, laga nos bisa fo’i un bista polítiko, di bèrdat ta nan mes mester sigui hun-

tu”, el a splika.

Thodé básikamente ta positivo pa ku e formashon. “Bon mirá, blou a sali fo’i bèrdè pues ya kaba nan tin un base huntu. Ami ta haña nan tin ku sigui huntu i sigui i kaba ku e trabounan ku nan tabata ehersé.” Sí Thodé a enfatisá e echo ku komunidat mester ta mas involukrá den asuntunan di gobernashon. “Mas bien mi ta kere ta e pueblo su funshon i aktitut mester wòrdu adaptá i ahustá na nos konseho insular kompletu. Especialmente e

parti di envolví su mes mas den política i gobernashon, mantené e gobièrnu na bista ku wowonan di falki.

Pueblo mester sa su derechonan, leinan i reglanan konserní pa kualke gobièrnu mes ku sinta, no por hasi i deshasí ku e pueblo mas.”

URB ta habrí pa aserká e koalishon pa kualke forma di kolaborashon. “Ora e koalishon kaba forma ofisialmente ku 3 diputado, nos di URB lo sinta pa fiha kon nos ta bai sigui i dil ku tur esnan konserní.”



Segun Clark Abraham:

“Koalishon no tin transparensia”

KRALENDIJK - E echo ku partido bèrdè i partido blou ainda no a komuniká nan desishon públikamente ta duna Clark Abraham tur espasio pa kuestioná nan transparensia. Durante reunion di Konseho Insular Abraham fuertemente a kritiká e manera ku UPB i MPB a aktua den e periodo di orientashon.

“For di dia di eleksion

te ku awe nos ta ripará ku e falta di transparensia ta persistí ainda. Den un periodo di eleksion pa aworakí nos komo partido ta manda invitashon pa sinta na mesa pa papia tokante contenido. Nos tin ku konstatá ku te awe no tin niun kombersashon di contenido ku niun dos partido. Úniko partido ku tabatin kombersashon di contenido ta M21”, el a

bisa. Segun Abraham no opstante ku el manda invitashon pa ámbos partido, nan a indiká ku ya nan a forma koalishon.

“E pregunta ta pa kiko a bai eleksion i pretendé ku ta skucha pueblo? Tanten ku kos ta kla promé ku pueblo a papia”, Abraham a kuestioná fuertemente.

Pa UPB e kritiká aki ta sin base. “Resultado ta

otro fo’i loke Demokrat ta grita. Clark Abraham ta posishoná su mes komo salvador di pueblo ku su 1600 voto pero si bo wak e kos aki ku sanger friu bo ta mira ku koalishon a mantené su 5 asiento. E partido ku no tabata den koalishon mester komprondé ku e koalishon a haña atrobe bendishon di pueblo pa sigui. Demokrat mester a atendé e asuntu aki humil-

de pero a bin ku un aktitut arogante. Den política e no ta bai asina. Ora bo kuminsá kuestioná tur sorto di kos, e 3 asiento di UPB i ora bo pidi pa ban sinta direpente ta haña ku bo a forma blòk M21. E kosnan no ta bai manera Abraham ta pensa”, Ramonsito Booi ta splika

BIDA SALÚ

Sèks na edat haltu

Mantené humor i eksperimentá

KRALENDIJK – “E gana ta bira ménos momentu ku bo ta bira grandi,” Xaviera Hollander di 79 ta bisa, “pero sí bo ke, tur momentu ku bo ta haña sí un manera.” E ta reakshoná riba e investigashon ku Ofisina Prinsipal di Statistik, CBS, a hasi for di kua ta sali na kla ku 75+ awor hopi biá ta mas aktivo ku dies aña pasá.

“Nos tur ta bira grandi i nos ta keda fet mas tantu,” Hollander ta bisa, riba e pregunta kon por ta posibel ku mas adulto mayó awendia ainda ta seksualmente aktivo. “Si bo por traha te na bo 70 aña, bo por tin sèks tambe.”

P’esei tin píldora

Hollander, nasé komo Vera de Vries, na 1971 a bira mundialmente popular ku su buki ‘The Happy

Hooker: My Own Story’. Den e buki el a konta di su bida komo un muhé di bida luho i prostituta kolorido na New York. Tambe el a skirbi den e revista Penthouse pa hopi aña un rúbrika di konseho tokante problema seksual.

Aki algun luna e ta yega 80 aña i ketu bai e ta seksualmente aktivo. “E gana naturalmente ta bira ménos, e speshi puru ta ménos, pero sí bo ke, semper bo ta haña un manera. Hopi hòmer di mi edat no ta logra mas asina fásil. Pero p’esei tin píldora.

Te asta Hollander a haña ainda un otro solushon. “Awendia mi ta hopi biá lesbiana i hetero, esei ta mas mas fásil. I di otro manera semper bo por haña un hòmer yòn. Resientemente mi a laga un amiga mira un vibrator, grandi di

un dede chikitu. El a bisa: “E ta muchu chikitu,” el a bisa. Mi a bis’é: “No dushi, esei ta pa riba bo lèrchi.”

E mas importante, segun Hollander, ta mantené humor. Tené dushi, eksperimentá un tiki, e ora ei e ta keda plasentero i dushi.

Grandi mas fet

CBS a anunsiá ku di e 75+-nan, awor 27 porshento ainda ta seksualmente aktivo. Esaki ta mas ku dies aña pasá, e tempu ei e tabata ainda 16 porshento di e 75+-nan.

Segun seksólogo, Hanneke de Graaf, di e sentro di ekspertisio Rutgers, tin un posibel deklarashon ku 75+-nan di awor a krese na añanan 60. Dies aña pasá ainda nan tabata mucha di añanan 50, ku tabata un poko konservativo. Banda di esei, grandinan awor ta

mas fet i salú ku na 2014. Esaki ta bini na benefisio di seksualidat.

E mesun investigashon ta indiká ku otro gruponan di edat netamente tin ménos sèks. Prinsipalmente hòbennan entre 16 i 25 aña ménos. Esaki na 2014 ainda tabata 63 porshento seksualmente aktivo, aña pasá esaki tabata 56 porshento.

Posiblemente esaki ta bini dor di e preshon grandi ku nan a eksperensia den sosiedat, de Graaf ta pensa.

“Tur kos mester ta perfekto, pues bo promé biá sèks tambe. Esaki ta hasi ku hòbennan tin miedu pa tuma un paso robes.”

Tambe dor di media sosial hòbennan ta mas kuidadoso riba tereno seksual, segun de Graaf. Un pifio via Instagram, Snapchat, òf otro plataforma, fásilmente por resultá riba kaya.

Asombrá

Hollander ta bisa di ta asombrá tokante e notisia ku hòbennan entre 16 i 25 aña ta ménos seksualmente aktivo. Pero e sa sí un deklarashon: “Nan ta tuma tur kos na serio, no tin humor.

No muchu tempu pasá mi a mira dos hòben pasa na skol pa duna informashon. Sero na humor, nan a hasié asina serio i dramátiko, manera e ta difísil i serio. E ora ei mesora bo no tin gana mas.

Nan ta lubidá ku sèks mester ta dushi.”

Tin tambe un otro punto: “Mi hòmer ta dies aña mas yòn ku mi. Den pasado hopi biá mi tabata bai landa sunú.

E ora ei mi tabata haña gana. Mi por konsehá tur hende pa hasi esaki.”

Sèks ku robòt ta na kaminda

KRALENDIJK – Teknologia ta desaroyá su mes ketu bai mas aleu, tambe riba tereno di sèks. Ta usa vibrator, weganan di sèks manchá riba distansia i brel VR. Awendia tin tambe un robòt ku ta sunchi, pero kon leu nos ta bai sí ta trata di intimidat i sèks ku teknologia.

Resientemente entre otro sikólogo Goedele Liekens i eksperto sibernético, Dave Maasland, tabata na mesa na HLF8. Nan a papia kon teknologia ta bai kambia nos bida i a papia tambe tokante sèks ku un robòt.

Ekspertonan ta kalkulá ku un di kada dies hòben na

2050 lo tabatin sèks ku un robòt. Pero sí bo pensa na sèks ku un robòt, kisas bo no tin un imágen kla den bo kabes. “Mi no mester pensa riba esaki. Mi no ta sunchi ni sikiera un persona normal, laga para pa un robòt,” John de Bever, kende tabata na mesa a bisa.

E huéspednan i ekspertonan a papia por ehèmpel di e aparato di sunchi ku entre tantu a drenta mundu inventá pa un deskubridó chinas. Ku e aparato namoradonan for di un distansia por sunchi otro solamente riba lep. Sunchi ta mas tantu ku solamente riba lep kontra otro. Ta trata tambe di holó i smak, Liekens ta

konta, kende sa konseho riba hopi tereno di sèks. Ta trata di tin hopi konsekuensi riba e intimidat, pero e ta keda sí plèstik.

Desaroyo di teknologia

Liekens tambe no ta mira pa su mes pa sunchi su partner di e manera akí. Kisas e tabata un bon solushon pa durante e lockdown di Corona.

Segun Maasland, sinembargo tin hopi benefisio na e desaroyonan tékniko di sèks. Hendenan ku un hèn-dikèp òf fantasia seksual, por saka benefisio. Pero tambe pa muhénan e ta ábil durante sèks. Un robòt por sòru pa e muhé ta bini kla

mas fásil. E sa presis dor di midimentu kua moveshon mester hasi. Pa algun tempu kaba ta eksistí weganan di sèks ku por move riba distansia, manera e webu vibrante.

Namora riba robòt

Nos no ta komprondé bon te kon leu e teknologia akí por bai. Tin hende ku por bira namora riba un

robòt, ounke ku esaki no presisamente mester ta un problema, Liekens ta bisa. “Mi ta pensa sí ku e ta bai keda aseptá sosialmente i un hende durante un tempu ta sali pa kome ku un robòt.

Maasland ta pensa ku den futuro e teknologia ta bai desaroyá su mes asina leu, ku via di un brel VR i ku sintimentu tin sèks ku bo partner riba distansia.



Simadan ta e fiesta di kosecha di Boneiru. Un selebrashon pa medio di kua hendenan di ántes, ku tabata biba i sobrebibí di loka nan kunukeronan tabata produsí, tabata gradisí Dios pa e kosecha ku nan a haña. Na Kòrsou e fiesta aki ta konosí bou di e nòmber seú. Aruba no tabata konosé un selebrashon di e forma aki, anke tin un boneriano ku a bai biba na Aruba siglo ku a hiba e selebrashon aki den e barío Brasil. Den un seri riba tur djasabra BONERIANO ta dediká atenshon na 'Simadan'.

fiesta di kosecha di Boneiru (4)

Limpiesa di kunuku

E trabounan den kunuku, relashoná ku plantamentu, tabata kuminsá den luna di yüni kaba. E kunukero mester a limpia su kunuku i tambe sera trankera, pa evitá ku despues ku planta kabritunan ta drenta i kome e maishinan ku kuminsá sali for di suela.

Limpiamentu di kunuku ta enserá ku tabata kita tur mata shimaron ku a krese despues di periodo di kosecha. No mester lubidá ku despues

di kosecha tabata laga kabritunan drenta e kunuku na unda a planta. E kabritunan aki tabata bai mondi tambe, kana dal den tuna, ku tabata keda pegá hopi biá na nan kurpa i despues kai den kunuku i pega.

Tambe e bestianan aki tabata kome simia di sierto mata i palunan, pa despues esaki resultá den nan mers, ku nan tabata depositá den kunuku. Dos mata ku sigur kabritunan tabata sòru pa distribushon di nan

simia ta palunan di kuihi (na Rincon: kuida) i hobada (wabi).

Yobida

Den lunanan di april i mei kasi semper tin algun áwaseru. Na hulandes nan ta skirbi di 'kleine regentijd', ku ta sòru tambe pa palunan di kibrahacha floria den mei. Ku e awa aki e matanan aki di kuihi i hobada, tambe matanan shimaron, tabata krese rápido.

E kunukero tabata pone tur e matanan ku

e chapi òf kòrta na un bòshi i ta sende nan na kandela, huntu ku eventual tronkonnan di palu di maishi ku a keda tras. E shinishi ku keda tras ta bon tambe komo fertilisante pa e suela, kombiná ku e mers di kabritu ku a keda tras. Asina tur aña tabata sòru pa drecha e tera.

Na Aruba tin e tradishon pa na fin di yüni sende e kandelanan aki den kunuku. Den dianan di San Wan, na unda sinembargo bulamentu di kandela no ta konosí, sino e fiesta di 'Dera Gai', ku muzik i kanto.

Yamada pa áwaseru

Den luna di yüni ta selebrá tambe fiesta di San Juan (Wan) i San Pedro, ku tabata intenshoná pa yama yobida. Esaki ta reflehá den specialmente e kantika 'Pal'i Kombles'. Nan ta kanta entre otro, ora ta bai bula kandela: "Pal'i Kombles, Mi Señor, Kara Kòrá mand'é pa nos."

Interesante ta ku tin diferensia den interpretashon di teksto aki di kan-

tika di San Juan. Juan Mercera (Wan Pretu) ta kanta di 'kara kòrá', e tabata kanta tambe di 'saya kòrá'. I segun Wan e saya kòrá ta e nubianan. Kara Kòrá segun Wan ta e solo. Crispina (Chemmy) Cicilia-Janga tin otro interpretashon pa e kantika aki. El a splika ku e teksto korekto mester ta: "Tata kòrda mand'é pa nos." Tata ta referí na Dios. Ku e kantika ta pidi Dios pa manda áwaseru.

Selebrashon di San Wan tabata tuma lugá den e anochi di 23 pa 24 di yüni. Un siman despues tabata e selebrá fiesta di San Pedro di mesun forma, kuambio sinembargo den e kantika principal. Na lugá di San Wan tabata kanta San Pedu (Pedro).

For di atardi kaba tabata kuminsá toka i kanta riba bispunan di San Wan i San Pedu. Yegando diesdos'or tabata kuminsá bula kandela. Tabata traha pilánan ku flambeau ku tabata pega na kandela. Sea tres òf sinku, kisas asta shete. No por ta un sifra impar.




Banda di limpiamentu di tereno, e kunukero mester a sòru tambe pa drecha trankera di su kunuku promé ku kuminsá planta maishi. Hèrmèntnan pa e trabou aki tabata machete i chi-ku-cha. Chi ta e horketa i cha ta e hak. Foto ta mustra Hose Phelipa (Djo Kavula) ta kap yatu pa drenta su trankera di kunuku.

MONCHI & TONCHI

Fin di siman aki ta kargá atrobe. Yen aktividat pa henter famia.

Awèl si, e bia aki si nos mester buska un moda. Maske ta lora na Van den Tweel laga e muchanan pinta nos kara mané webu.



KOLOFÓN
Editor: Bonaire Communication Services N.V.
Kaya Irlanda 12,
Tel. 717-8482
Redakshon: extrabon@gmail.com
aviso: avisobon@gmail.com
Wèpsait: www.extraboneiru.com
Facebook: Extra Boneiru

Direktor
Shirley Martis
785-3824
796-3824

Redakshon
Papi Antoin
Nathaly
Evertsz-Ipcedencia
Davienuska Janga
Velli Gijsbertha
Edson Pietersz
Ibi Piar (deporte)


Partner na Aruba
Awe Mainta
Partner na Kòrsou
Extra
Partner na Boneiru
Live99

Layout
Davienuska Janga
Maya Beaumont

Konsehero:
Bòl Antoin
786-6818
Aviso
avisobon@gmail.com

FKPD ku wèpsait ofisial

KRALENDIJK -- Fundashon Kuido pa Personanan Desabilitá (FKPD), ku informashon tokante e dashon Kuido pa Perso- ta lansa un wèpsait nobo fundashon i su servisionan,



Programanan di Bonaire.tv

TELBO kanal 70
Flamingo TV kanal 23

Djasabra 1 april 2023

12.00 Rekordando	Eligio Melfor
13.40 Aki Boneiru:	Samantha (Sami) Rosalina
14.40 Herensia Korsou:	Stella Kuwas
16.00 Herensia:	Anneliese Kloman & Shinishi Rudy
17.00 Dokumental:	Washington
18.00 Herensia:	Julio Cresencio-Jules Eisden
19.00 BAPA:	Nando Domacassé
20.00 Aki Boneiru:	Patricia Hassell
21.30 Herensia:	Luis Maria Alferez i Gladys Maria Alferez
22.30 BAPA:	Arlene Dementria Ranis i Winifred Angila

Djadumingu 2 april 2023

12.00 Herensia:	Luis de Sousa
13.00 Aki Bonaire:	Robert Pikeri
14.00 Herensia:	Juliana Josefina Angela-Martilio
15.30 Puerto Latino:	Luis Zárraga
16.00 Rekordando	Eligio Melfor
17.40 Aki Boneiru:	Samantha (Sami) Rosalina
18.40 Herensia Korsou:	Stella Kuwas
20.00 Herensia:	Anneliese Kloman & Shinishi Rudy
21.00 Dokumental:	Washington
22.00 Herensia:	Julio Cresencio-Jules Eisden
23.00 BAPA:	Nando Domacassé

Tur mèrdia 12'or ta kuminsá un programashon nobo di 4 ora.
E programashon aki ta ripití pa 24:00.

www.fkpd.org

Awor ku tin e wèpsait akí, ta mas fásil pa aserká FKPD online i e organisashon ta mas visibel.

E wèpsait ta ful na papia-mentu i hulandes, e tin un diseño moderno i ta brinda oportunidat pa kontakto direkto. Riba e wèpsait tin hopi informashon tokante FKPD, entre otro e oferta di kuido, notisia i vakatura, pero tambe publikashon, adrès i algu di historia.

“Nos fundashon ta kresiendo enormemente i ku esei e nesesidat pa un wèpsait profeshonal a oumentá. Awor ku nos a logra e wèpsait, nos ta ansioso pa nos ta mas aksesibel i alkansá mas hende ku un desabilidad i ofresé nan kuido. Nan ta forma un parti grandi,

kresiente i en partikular un parti hopi importante di nos komunidat i FKPD tei spesial pa nan. Nos ta usa e wèpsait pa presentá desarojo importante na públiko, trese momento dushi ku nos klientenan bou di atenshon i kompartí informashon ofisial. FKPD ta orguyoso ku e logro importante akí. I nos ta invitá tur hende pa bishitá nos wèpsait,” asina direktor Edilse Goeloe ta bisa.

FKPD ta ofresé mas ku kuarenta aña kuido na midí na persona ku desabilidad serebral òf físiko na Boneiru. E fundashon ta brinda kliente un neishi kaluroso kaminda ta trata nan ku rèspèt i amor. Di e forma akí e kliente por ta nan mes den un ambiente seif i adaptá.

Pa info i komunikado den

Extra/BONERIANO

Redakshon: extrabon@gmail.com

Aviso mail: avisobon@gmail.com

E SILENSIO DI DIOS

“No warda silencio, O DIOS; no keda ketu, O Dios, no keda sin aktua.” Salmo 83:1(BS)

Ken di nos no a yega di sinti manera Dios no ta skucha nos orashon? Ta manera ku Dios no ta aktua, i no tin kambio den nos situashon. Ta manera ku Dios ta den un total silencio. Un silencio ku ta desesperá nos.

Ma ora Dios ta den silencio no ke men ku E no ta aktuando? Bo tabata sa ku e tempu di Dios ta perfekto?

E problema ta ku nos ke pa kosnan sosodé awor i na nos manera. Nos no ke keda den e ‘kayente’ di e situashon. Miéntas ku Dios Kende ta mira e panorama completo, sa kiko ta mihó pa nos i ki ora nos ta kla p’e. Situashon atverso ta siña nos lèsnan tremendo i si nos pasa muchu lihé dor di nan, nos no ta krese i madurá sufisientemente.

Ami ta usa e ilustrashon akí pa mi mes bida i pa yuda otro. “Un bon stobá di kabritu mester keda riba stof pa e kantidat di ora nesesario. Si nos paga e stof muchu lihé, e karni ta keda duru i niun hende no ke kom’é. E karni mester di kayente pa basta ratu, pasobra ta e kayente ei ta hasié moli.” Tin momento ku Dios ke moldia nos karakter i ta e kayente di e situashon i e largura di su durashon ta hasi e trabou completo den nos bida. P’esei no desesperá, ta yega e dia ku bo ta skucha e bos di Dios i ku bo ta eksperensiá Su direkshon. Miéntas tantu no pèrdè fe ma keda spera den Dios.

Tene speransa, pasobra e tempu di Dios ta korekto.

Miralda Paula-Frans

Produkshon PGM

Bahia di Lac tin ròl importante

KRALENDIJK – Bahia di Lac ta hunga un ròl importante den e kurason i alma di Boneiru pa siglonan. Bonerianonan a eksplorá, piska i biba den e área akí pa generashonnan largu, loke ta hasi integrashon di un perspektiva kultural i históriko den e maneho general di e área akí importante.

Na kuminsamentu di e luna akí, rangernan di Parke Marino tabatin e oportuni-

dat úniko pa asistí na un tour di historia di FuHiKu-Bo den Lac.

Hopi hende no ta realisá ku en realidat tin un kantidat di isla chikitu ku ta ekstendé nan mes dor di e bahia, hasiendo posibel pa kana di un banda pa otro.

Durante e biahe Bòl Antoin a pinta un pintura di e pasado kolorido di e islanan i a musta e importansia di preservá e áreanan akí pa futuro generashon.



Pa pinta mural riba barku krusero nobo

Royal Caribbean ta buska artista lokal

KRALENDIJK – E kompania di barku krusero, Royal Caribbean International, ta buskando artistanan lokal for di e área karibense pa pinta mural riba su barku nobo Icon of the Seas.

E tarea ta konsistí di pintamentu riba mural grandi riba diferente dèk na bordo di e barku. Ta trata di Royal Promenade i Suite Sundeck di e barku nobo.

Pa e proyekto akí ta

skohe tres artista. Nan ta haña beka ku ta varia di 20 mil pa 105 mil dòler, pa laga nan vishon bira realidat.

E artistanan tin di 10 di yùni te 14 di ougùstùs di e aña akí di tempu pa realisá nan pintura na bordo di e barku. Pa esaki nan mester biaha sí pa Turku na Finlandia, kaminda e barku ta na e momentu akí.

Pa mas informashon tokante The Royal Caribbean

Artist Discovery Program, Caribbean Group. mira riba website di Royal

Desde yanüari 2024

Icon of the Seas ta kuminsá nabegá den área karibense.



Di dos anochi kanto kriooyo



Di dos anochi kanto kriooyo



Zuster Anita Engelhard a baha ku penshun

KRALENDIJK—Djaweps 30 di mart tabata zùster Anita Engelhard su último dia di labor. Despues di 45 aña e ta bai ku un penshun bon meresi. Grandinan di kas di Kuido lo sinti su falta mirando ku e zùster ta masha gusta serka nan.



LVV trahando riba plan di merkadeo

KRALENDIJK -- Den e último lunanan, Jesse, kende ta stazjèr na LVV, a skirbi un plan di merkadeo pa kriadónan di kabritu i karné.

Den kolaborashon ku restaurant, komersio ma-

yorista i hotèl, por a duna agrikultornan informashon tokante preis i rekisitonan di produkto i distribushon.

Pa konkluí, a selebrá un atardi na Lekker Tuis bou di direkshon di Corjan Hoogerheide.

Presentenan por a purba diferensia entre kabritu i karné. Tambe un grupo di chefkok i kolaboradónan di LVV a papia di futuro di kriamentu di kabritu i karné.



Selebrashon na Van den Tweel

KRALENDIJK – Awe djasabra promé di aprel, supermerkadu Van den Tweel ta invitá pueblo di Boneiru pa pasa i buska inspirashon pa selebrashon di Pasku di Resurekshon.

Por pasa i purba dife-

rente biña, kuminda lokal i tambe snèk tradishonal di Semana Santa.

Orario ta di 11'or di mainta pa 3'or di atardi. Tin tambe aktividat pa mucha ku pintamentu di kara i wega.

STATIA/SABA/ST. MAARTEN

Minister Dijkgraaf ta bishitá Isla Riba

SABA/STATIA -- Minister Robbert Dijkgraaf di enseñansa, kultura i siensia, ta bishitá Saba, Sint Eustatius i Sint Maarten, di 3 pa 5 di april. E bishita ta karakterisá pa e konsulta ministerial di kuater pais di enseñansa, kultura i siensia i e konmemorashon di e pasado di sklabitut.

Minister Dijkgraaf ta e minister kordinadó di e aña konmemorativo pasado di sklabitut.

Saba

Na Saba Gezaghebber Jonathan Johnson lo

risibí Minister Dijkgraaf. Despues e ta drenta kòmbersashon ku Kolegio Ehekutivo i Konseho Insular. E tópikonan prinsipal na òrdu durante e bishita, ta enseñansa, pasado di sklabitut i e transishon pa studiantenan ku ta sigui un estudio superior. Pa klousura su bishita, e minister ta bishita Saba Heritage Center.

Statia

Na Sint Eustatius Minister Dijkgraaf ta papia ku Kolegio Ehekutivo i Konseho Insular. Despues Minister Dijkgraaf ta bishitá

Skol Gwendolyn van Putten. Den e oranan di atardi e minister ta bishitá Planetarium, sigui pa un rekorido den Oranjestad, plantashon Godett i Fort Amsterdam, pa haña mas konosementu den su papel komo Minister kordinadó pa e aña konmemorativo di pasado di sklabitut.

Sint Maarten

Na Sint Maarten durante di su bishita, e minister tin kòmbersashon ku Gobernador, sigui pa un bishita na e minister di edukashon, kultura, hubentut di deporte,

Rodolphe Samuel.

Despues di esaki, Minister Dijkgraaf ta bishitá

Universidat di Sint Maarten i NIPA, komo klousura di su bishita na e isla.



Ildefon Verberne direktor nobo SHS

THE BOTTOM -- Sacred Heart Primary School (SHS), tin un direktor nobo. Entrante promé di yüni ta presentá Ildefon Verberne na e skol ofisialmente i ta tuma enkargo

for di e direktor aktual, Hortence Promes, entrante promé di yüli.

Verberne di 60 aña ta biba na Hulanda i tin eksperiensia edukashonal na Karibe Hulandes i a

duna diferente treinen na Aruba, Kòrsou i Boneiru. El a bin ta traha den edukashon ku hopi pashon, komo dosente di enseñansa primario i sekundario, kordinadó di kuido i direk-

tor di diferente skol primario i skol di edukashon spesial.

Anteriormente e aña akí Verberne a bishitá Saba i e skol. Den un karta di introdukshon na staf i mayornan, el a bisa di ta hopi eksitá tokante e skol

i traha na Saba.

Verberne, huntu ku staf di SHS, lo kontinuá mehorá e kalidat di edukashon primario pa e muchanan di Saba, edukashon ku tin mester di kalidat básiko.

Dos kara nobo ta drenta Konseho Insular

ORANJESTAD (EUX) – Tres di nan ta kara familiar i dos nobo, momentu ku miembronan di Konseho Insular a hura djárasen 29 di mart.

Progressive Labor Party (PLP), ta mantené kontròl di e kolegio lo-

kal, dor di sigurá 55 porshento di e 1759 votonan di e elekshon di 15 di mart. Esaki ta tradusí den tres asiento di e sinkunan.

PLP ta representá pa Rechelline Leerdam, Reuben Merkman i Clyde van Putten, tur ya tabata den Konseho Insular ku a baha.

Democratic Party (DP), ku a sigurá mas òf ménos 28 porshento di voto, ta mantené su dos asientonan, representá pa e miembronan nobo Rachel Spanner-Carty i Mercedes Lopes-Spanner.



Wood Works Import B.V.

ta buska

- 2 albañiles - 1 pintor

- 2 carpinteros

Mas inf. tel. nr **700-3907**

Komishon Fiho di Reino a reuni

A evaluá entre otro IPKO

WILLEMSTAD -Komishon fiho di Asuntunan di Reino, Relashon Interparlamentario i Relashonnan Eksterior, a deliberá ku Promé Minister sr. Gilmar Pisas. Esaki a tuma lugá djamars 28 di mart último. E deliberashon ta-

bata enkuanto e proseso pa un posibel “Onderlinge regeling”.

Alabes e komishon a evaluá e último reunionnan di Tripartit i IPKO ku a tuma lugá entre 28 di febrüari pa 3 di mart 2023, na Kòrsou.



Kranshi ta introdusí papel protehá

WILLEMSTAD — Djaluna, 3 di april 2023, Departamento di Asuntunan Públiko (Kranshi) ta kuminsá hasi uso di stampia i ‘leges’ digitalisá. Na mes momento ta introdusí papel Protehá pa dokumentonan ofisial. Esaki ku e meta pa alsa servisio na komunidat di Kòrsou i hasi ofisinanan gubernamental mas efisiente posibel.

Introdukshon di papel Protehá (‘Beveiligd Papier’) ta nifiká ku lo prent por ehèmpel aktanan, ‘uittreksels’ i otro dokumentonan ofisial riba e papel ku tin karakteristikanan ku ta

garantisá ku e dokumento ta outéntiko. Ademas un dokumento riba e papel protehá semper lo tin un number úniko pa garantisá su outentisidat.

Pa loke ta trata stampia i ‘leges’, Kranshi lo introdusí e forma nobo di stampia digitalisá ku e sistema digitalisá di kasa moderno ‘Key2Betalen’. Ku e sistema akí plakmentu di stampia i ‘leges’ riba dokumento otorgá pa Kranshi lo pasa pa historia. E sistema lo prent detayenan di e transakshon, inkluso preis di e dokumento, riba e papel Protehá. Ku esaki lo mini-

malisá grandemente sensibildat di fraude. Ademas e sistema akí ta yuda manehá transakshonnan finansiero mas efisiente i sigur ku posibilidatnan di rastrea e transakshonnan, lokual ku tabata difisil den pasado. Lo usa e sistema pa hasi tur pago, por ehèmpel pago pa haña aktanan, reibeweis i otro dokumento ofisial.

Kranshi ta anunsiá un periodo di transishon di seis luna kaminda dokumentonan ku no ta riba papel protehá i ku tin stampia/‘leges’ di plak, lo keda bálido. Ta pidi tur instansia pa tene kuenta ku e kambionan

ariba menshoná, ora un kliente presentá ku dokumen-

tonan riba papel Protehá.

Ajax i ofisina di turismo ta ekstendé koperashon

WILLEMSTAD- Ofisina Di Turismo di Kòrsou i AFC Ajax a ekstendé nan koperashon te ku temporada 2023-2024. Kòrsou ta un Partner ofisial di Ajax for di 2020 i e logo ta visibel riba manga di kamisa ofisial di Ajax durante tur partido den Eredivisie, kopa KNVB i futbòl oropeo. Kòrsou ta keda visibel den i rònt di e stadion i den contenido di kanalnan di Ajax.

Menno Geelen, direktor komersial di Ajax: "Ora nos a bishitá Kòrsou ku henter e selekshon despues di e último temporada, a bira kla un biaha mas kon fuerte nos asociashon a bira den e último añanan. Tambe e hungadónan i e personal por a eksperensia kon bunita e isla ta i kon amabel e hendenan ta.

Nos a mira popularidat di Kòrsou krese i esei ta bon pa ku turismo. Nos ta kontentu di por kontribuí na e temporada binidero aki."

Muryad De Bruin, direktor di Ofisina di Turismo di Kòrsou: "turismo ta un pilar ekonómiko importante pa Kòrsou. Nos ta risibí bishitantenan for di Oropa, Sur América, Karibe i Nort América. E merkado internashonal tabata visibel e último añanan. Especialmente via nos logo riba e kamisa durante e kompetensianan oropeo. Nos ta sigui e koperashon aki ku hopi plaser. Nos ta spera di risibí un otro delegashon di Ajax na yüni di e aña aki. E Biaha aki ta e leyendanan di Ajax lo bishita nos isla pa un programa deportivo."

Pa menasa

Detenshon di un hòMBER

WILLEMSTAD-- Djáron 29 di mart 2023 sentral di polis a dirigí un unidat polisial na Bapor Kibra, pa un hòMBER sospechoso ku a menasá un bewaker.

Na yegada di e unidat

polisial a topa ku un bewaker ku a deklará na polis ku despues di un diskushon un ratu promé e sospechoso a menas’é ku morto.

Na e sitio a detené e hòMBER sospechoso L.E.M., nasé na Sto.Domingo di 31

aña di edat.

A presentá e sospechoso dilanti un fiskal ouksiliar ku despues di interrogashon a ordená su enkarselamentu pendiente di mas investigashon.

HULANDA

Kantidat punto produkto grátis menstruashon ampliá

HULANDA – E próksimo tempu ta bini mil punto èkstra di entrega grátis di produktonan di menstruashon. Pa esaki Gabinete ta bai pone èkstra plaka disponibel, Minister Carola Schouten di maneho di pobresa ta skirbi Tweede Kamer.

E suma preis ainda no ta konosí. Sí Schouten ya a anunsiá ku Stichting Voedselvangnet, Rode Kruis i Armoedefonds, na total na haña 15,8 mion euro pa mas medio di alimento, pero tambe paña, artikulonan di

skol i pues pa por plama produktonan di menstruashon.

Schouten ta pensa ku e kantidat di punto di entrega di produktonan di menstruashon grátis por amplia di 1500 pa 2500.


Na inisio di e luna akí, un mayoria di Parlamento a urgi pa mas akshon di Gabinete pa kombati pobresa. CPB e tempu ei a bisa ku e siguiente aña kasi un mion hende ta resultá bou di e frontera di pobresa sí no bini un maneho di sosten nobo pa e grupo akí.

Fin di aña pasá Tweede Kamer a urgi pa mas produkto di menstruashon grátis pa hendenan ku un entrada abou. E tempu ei Schouten a bisa ku pobresa di menstruashon por traha hopi opstruktivo, prinsipalmente pa muhénan yòn. Sí nan no por paga mas pa e produktonan akí, esaki por determiná sí ainda nan ta bai partisipá.

Ya tin hopi munisipio ku ta ofresé produktonan di menstruashon grátis, por ehèmpel na sentronan di bario, skol sekundario

i bankonan di kuminda i paña. Na inisio 2022, Armoedefonds a habri na Utrecht e di mil punto di entrega pa produktonan di menstruashon grátis.

Un di kada 10 hende muhé i mucha muhé tin biá no tin sèn pa kumpra e produktonan akí, un bosero di Armoedefonds, a bisa.



Bombero ta reanimá pushi despues di kandela

MENAAM – Durante De Boech den e bario di un kandela den un kas na Friesland, Menaam, a ska-



pa un pushi djaweps mainta. Bomberonan a reanimá e pushi i pone aparato di hala rosea na dje. E habitantenan no tabata na kas. Banda di 11'or a paga mayoria di e kandela.

E kandela ku a originá den e kas, probablemente ta okashoná den e kashi di koriente.

E kandela a kuminsá na e porta dilanti i huma tabata sali for di dak, e bosero di Brantwer, Marko Kinder-

man, kende a sali ku un trùk di paga kandela, a bisa. E bisiñanan dor di propio forsa por a pone nan mes den siguridat.

E pushi koló pretu i blanku di 13 aña, no a bini den kontakto ku e kandela, pero sí mester a pega aparato di hala rosea na dje, Rinaldo Korst di ambulans di bestia 'Dier in Nood', a bisa.

Momentu ku e pushi sali for di e kas, no tabatin mu-

chu bida mas pe, Robert Jan Boonstra, e fotógrafo na e sitio, ta bisa. Un bombero a keda riba su rudia pa minimal mei ora pa duna e bestia oksígeno ku un masker i masashi di kurason.

Finalmente e pushi a kuminsá ta miau i a bini bei. E pushi manera ta parse awor, ta den bon estado, Korst di ambulans di bestia ta bisa. Pero e doño ta bai kuné sí ainda dòkter di bestia.

Dia aksidente fatal ku bùs

Bisiña ta eksigí investigashon independiente

UTRECHT – Bisiñanan ta pleita pa un investigashon independiente di e siguridat di tráfiiko di Vleutenseweg na Utrecht. Nan a entregá un petishon ku 500 firma djaweps mainta na munisipio Utrecht.

Motibu ta e aksidente di bùs kaminda siman pasá un mucha muhé di shete aña a pèrdè su bida.

E mucha muhé siman pasá djabièrnè a pèrdè su bida durante un aksidente ku un bùs riba Vleu-

tenseweg.

Su ruman hòmer di sinku aña a resultá seriamente heridá.

E petishon ta un inisiativa di èks Parlamentario di SP, Nine Kooiman. E ta biba den besindario i tabata testigu di e aksidente, e ta konta RTV Utrecht. “Mi tambe tin dos yu di presis mesun edat i a mira realmente mi pesadia di mas grandi dilanti mi wowo. Nunka mas mi ta riska bai ku mi yunan na e sitio ei.”



Minister Thijsen tabata tin encuentro cu burgemeester Henri Lenferink

ORANJESTAD -- Minister Plenipotenciario mr. Ady Thijsen a topa y papia na stadhuis di Leiden cu burgemeester di Leiden Henri Lenferink. Den e despacho di burgemeester Lenferink, minister Thijsen a duna un introduccion di su vision pa cu Aruba y Arubahuis. E ta bishitando diferente municipionan (gemeentes) pa mira riba cual tereno por tin cooperacion cu Aruba.

Sr. Thijsen a bisa cu durante di tur su bishitanan y encuentran el a nota

cu cada municipio tin nan experticio y hopi di nan ta para habri pa sondea posibilidadnan pa coopera. “Nos relacion cu Gobierno Central di Hulanda ta hopi bon, pero nos kier explora otro terenonan tanto cu e municipio, provincianan, hogeschool y universidadnan. Tur esaki pa mira unda tin tereno pa traha hunto y crea un situacion win win pa ambos partido,” asina minister Thijsen a bisa.

Un biaha mas El a ripiti e mensahe cu su vision y mision ta pa Aruba y

Arubahuis ta mas visibel na Hulanda y tambe na Union Europeo, sigur cu banda di e funcion di Minister Plenipotenciario, e ta alabes Representante di Aruba na Union Europeo.

E combersacion a bay riba e relacion den Reino cu segun minister Thijsen awor ta hopi bon. El a bisa di tin hopi confiansa den Secretario di Estado pa Asuntonan di Reino Alexandra van Huffelen. E mandatario a bisa di a nota cu Van Huffelen tin hopi comprension pa e islanan.



Quiz Kibra Cables cu Arubanita di Divi Resorts

ORANJESTAD -- Como parti di team-building y celebracion di Himno y Bandera p’e compania, DIVI RESORTS a invita maestronan Addonsito Croes y Jarissa Dubero pa presenta nan quiz ARUBANITA na un grupo grandi di e staf. As-

sistentnan tawata Mieckey Gravenhorst y Dylan Fingal.

Den Alhambra ballroom nan a presenta pa mas cu 90 persona parti den e 11 gruponan Divi Brain Chillers, Brainiacs, Chuculat’i Pinda, The Newbiez, Kini Kini’s, Group9, Unreplaceble,

Divi Masters, Kibrahacha, Treasure Sharks y HR Fruit Loops.

E ambiente tawata dushi y e competencia fuerte. Caha di orgel di Hubert y Antonietta Ras y yiu a deleita tur hende cu dushi musica. Algun segmento uza tawata Berdad of Falso,

Unda mi tawata, Ken mi ta y Topografia di Aruba.

E resultado: Grupo ganador: KINI KINI’S Segundo

luga: Treasure Sharks Grupo miho uniforma: Divi Masters Persona mas animado: Fransisco Tromp.



ARUBA

Cinco turista herida y transporta pa Hospital

Tour jeep a accidenta den parke Arikok

ORANJESTAD – Diahuebs algo despues di 10’or y mey di mainta, durante un Safari Tour di De Palm Tours, e jeepnan tabata bahando di e cero bandi pa nort di e Visitor Center di Parke Arikok. Segun nos a compronde, un di e jeepnan aparentemente e brake lo a kibra of no a traha y e jeep a bay straight den e rooi dilanti di e Visitor Center di Parke Arikok.

E Jeep cu tur 14 persona a bay cay den un mondi di hubada, cadushi y kwihi etc. Mesora e personal di Parke Arikok a cuminsa yuda e turistanan sali for

di e jeep y a hiba nan na e Visitor Center.

Varios unidad di Polis y tres ambulance a presenta hopi lihe na e sitio, pa asina atende cu e victimanan. No tabata tin niun persona cu a keda seriamente herida. Cinco turista a wordo transporta pa hospital y cinco a firma cu nan ta bon y no kier asistencia medico.

Un Minibus di De Palm Tours a bin busca e otro 4 victimanan y hiba nan hospital pa un chequeo medico. Entre 4 nan aki tabata tin e chauffeur y un mucha menor di edad. Slachtofferhulp y tambe un of mas

representantenan di De Palm Tours a presenta na e sitio pa brinda asistencia na e victimanan, kendenan ta

turistanan di e crucero Carnival Cruises.

Tur e victimanan mester ta prome cu 2’or y mey di

merdia bek riba e barco. E agente y slachtofferhulp lo trata pa nan regresa mas lihe posibel riba e crucero.



Minister Glenbert Croes a bishita hotel Riu Plaza España

ORANJESTAD -- Durante su bishita na Spaña, Minister di Energia Glenbert Croes a tuma e oportunidad di haci un bishita na Hotel Riu Plaza España, na unda el a wordo cordial-

mente ricibi pa e Director di Operacion sr Manuel Jaile y Director General sr. Javier Flórez Alzueta. Hotel Riu Plaza España ta un hotel emblematico na Madrid cu ta hopi popular y ta

ofrece facilidatnan di calidad halto.

Mirando e exito na nivel mundial di e cadena di Riu Hotel, Gobierno ta sumamente orguyoso di por conta cu dos Riu hotel na Aru-

ba. E mandatario a gradicinan pa tur e inversionnan haci riba nos isla.

Riu Antillas y Riu Palace na Aruba, ta percura pa constantemente mehora nan facilidatnan, pa asina semper ofrece e bishitanenan un luga “all inclusive” di calidad halto.

E relacion entre Gobierno di Aruba y Hotel Riu pa loke ta trata trahadonan y

comunicacion en general ta uno positivo. “Nos a expresa nos gratitud y felicidad di mira e exito y embergadura di e cadena Riu. Nos ta orguyoso di tin hotelnan Riu na Aruba y ta gradicinan pa tur e inversionnan haci den pais Aruba. Nos ta desea nan hopi exito y spera di por mira desaroyonan continuo y positivo.” Minister Croes a expresa.



DEPORTE

Nicolaas i van Veenendaal ta gana final pinpòn

KRALENDIJK -- Almar Nicolaas i Erik van Veenendaal, a gana pa di seis biá e título máksimo di e campeonato prestigioso BTTB pinpòn dòbel. E duo eksperensia a logra di predominá den e final despues di un bataya emoshonante kontra e duo Junny Vos i Reinier Baijens.

E último partido a resultá di ta mas difisil ku a spera, ora ku Vos i Baijens tabata duna oposishon fuerte. Nicolaas i Van Veenendaal

na final a logra gana e wega ku un viktoria di 3-2.

Den un partido anterior kontra Rene Evans i Freddy Beukenboom, Nicolaas i Van Veenendaal a gana konvinsentementemente ku e skor di 3-0 i asina selebrá nan di seis título.

E di dos lugá a bai pa Vos i Baijens, ku a resultá di ta muchu fuerte pa Evans i Beukenboom, den e bataya pa di dos lugá ku un viktoria di 3-2.



Korementu baiskel dos dia

KRALENDIJK – Bonaire Bicycle Club ta organisá un korementu di baiskel di dos dia riba e isla, kaminda hóben i adulto ta haña chèns pa tèst nan abilidadat di kore baiskel. E evento ta start awe djasabra promé di april i ta sigui djadumingu dos di april.

Awe tin tres diferente pista di kareda na fèlt di bala Rudy Boezem. E ruta di baiskel di seru difisil ta ofresé hóben i adulto un eksperensia dibertido. E evento ta kuminsá 5'or di atardi i ta inklui ku vários wega ku ta tuma lugá riba i rònt di e fèlt. Mucha tin

mag di partisipá ku nan propio baiskel, pero pa esnan ku no tin un baiskel, e organisadónan lo pèrkurá pa algun baiskel. Partisipashon ta grátis i tin tambe algu di kome i bebe pa tur partisipante. Djadumingu tin na Seru Langu e 'cross-country', kareda di seru pa

hóbennan di 12 te ku 18 aña i pa adulto. Tin dos ruta, un ruta di wega i un ruta pa esnan ku mas eksperensia. E karedanan ta kuminsá 8'or di mainta ariba na Seru Langu. E organisashon ta invitá un i tur pa bin kore bo mes òf apoyá e partisipantenan. No ta importá bo edat ni bo

nivel. Un i tur ta bon biní na e evento akí.

Bonaire Bicycle Club t organisá e evento aki pa promové e deporte i enkurashá komunidad pa keda aktivo. Ta un oportunidat grandi pa tantu siklistanan eksperensia i nobato, djòin e evento awe i mañan.

Mastertouch invikto plei-òf bola-8

KRALENDIJK--E ekipo di biliart bola-8 di Kaya Nikiboko Sùit ku ta e ekipo Mastertouch, ta invikto na kabes di plei-òf kampionato biliart bola-8 di nos isla.

Mastertouch manera menshoná ta invikto na promé lugá di e plei-òf rumbo pa final di e kampionato.

Mastertouch, por sièrto e ekipo aki ya a klasifiká pa final o sea ku ya e ekipo aki por yama su mes sup-kampion rumbo pa e gran final.

Posishon ekiponan:

Mastertoucha 4 wega ganá 0 pèrdí, 20 sèt na fabor 7 kontra, bon pa un averahe di 13 sèt.

Azteca 2 partido ganá 2 pèrdí, 15 sèt na fabor 13 kontra, averahe di 2 sèt.

La Tropicana 2 wega ganá 2 pèrdí, 14 sèt na fabor 17 kontra, averahe -3 sèt.

The Untouchable 0 ganá 4 pèrdí, 8 sèt na fabor 20 kontra, averahe di -12 sèt.

Azteca a gana The Untouchable 5-1

KRALENDIJK--E ekipo di biliart di Nort Saliña ku ta Azteca, djaweps último den kontinuashon di plei-òf kampionato biliart bola-8 di nos isla, esaki den oranan di anochi, a gana di The Untouchables di Antriòl Pariba ku e skor di 5-1.

Sètman di e partido.

Azteca – The Untouchable 5-1. G. Molina – P. Cicilia 2-1. Ch. Vos – H. Duran 2-0 ku un 7bola. Y. Jimenez – Ch. Thomas 0-2. C. Saragoza – Ch. Martinez 2-0 J. Josephia – G. Alberto 2-0 ku un 7bola. A. Ford Ch Janzen 2-1.

Hopi interes kareda outo Hot Wheels

KRALENDIJK--Tin hopi interes pa karedanan di outo Hot Wheels aki na Boneiru.

Últimamente e interes a lanta enormemente riba nos isla i hopi hende ta mustra interes den esaki.

Tin basta interes a lanta serka hopi hende pa buska nan outonan pa kompetensianan di Hot Wheels.

Esaki no solamente serka hende hòmbes sino tambe serka hende muhé ya ku esaki ta fásil pa manehá.

Bo no mester hasi masha kos pa kompetí den e kompetensianan di outonan Hot Wheels. Ta trata di outonan chikitu manera ko'i hunga.

E ta fásil pa manehá por ehèmpel durante kompetensia. E pista pa Hot Wheels ta unu movibel ku por move kuné, esta ku por buta kompetensia na diferente sitio, unda ku abo ke e kompetensia.

Ta trata di algu ku awor-

akí e interes pa esaki a lanta enormemente aki na Boneiru.

E bia aki atrobe, momentu ku tin kompetensia, nos lo informá di esaki pa abo ku tin interes den esaki, por bishitá e sitio di kompetensia pa presensia esaki pa mira kon esaki ta tuma lugá.

E ta algu masha masha fásil pa tantu hende hòmbes komo hende muhé manehá, ya ku ta trata di outonan chikitu manera "kos di hunga".

Tin hende ku tin diferente di e outonan aki ku mester ta bon prepará si pa ta den kompetensia si bo ke tin éksito ku esaki o sea durante kompetensia.

Sa tin tambe karedanan di treinen ku e outonan, esaki pa test e outonan, pa mira si nan ta kla pa e kareda ku abo ke, pa mira kiko mas lo tin di hasi na e outo pa mas éksito.

Por ehèmpel si bo buska un di e outonan aki, despues ku prepará esaki pa kompetensia, tin momentunan ku ta tèst e outonan wak kiko mas tin di hasi kuné pa bo tin éksito durante kompetensia.

Resientemente mes si nos no ta kiboká, tabatin karedanan entre Kòrsou i Boneiru, unda a tèst e diferente outonan pa mira kiko mas tin di hasi na esakinan pa mas éksito durante kompetensia.

Na e momentunan aki por ehèmpel ta preparando pa karedanan pa Dia di Rincon.

Despues nos lo bini ku mas informashon tokante esaki, esta pa karedanan Dia di Rincon ku lo por bira algu grandi.

Nos lo sigui bini ku informashon tokante e kompetensianan pa Dia di Rincon.

DEPORTE

Alexey Molchanov ta bolbe kibra su mes rekòrt

KRALENDIJK -- Alexey Molchanov, e aktual doño di rekòrt mundial di buseo liber, a bolbe kibra e rekòrt mundial den e disiplina di peso variabel, ora el a alkansá e profundidat sin presedente di no ménos ku 156 meter. E hazaña impreshonante akí ta bini algun dia despues ku el a pone e anterior rekòrt di 153 meter.

Djasabra último Molchanov a pone un rekòrt nobo kaba ku un buseo di 153 meter, pero e tabata deter-

miná pa sigui perfekshoná su prestashon.

Danki na e kondishon di tempu ideal i e sosten di su grupo dediká, Molchanov tabata por a pusha su límite i alkansá e rekòrt mundial nobo di profundidat djamars 28 di mart.

Molchanov a prueba su mes un biá mas di ta un kampion di bèrdat den e mundu di buseo liber i perseveransia a hib'é na alturanan nobo, òf den e kaso akí, profundidatnan nobo. E logronan resien akí

ta afirmá su posishon komo un di e buseadónan liber di mas grandi di tur tempu.

Alexey Molchanov ta un kampion buseadó liber rusiano, 24 biaha kampeon

mundial, AIDA i CMAS, doño di rekòrt mundial i promotor di buseo liber.



Klínika di landamentu

Komo preparashon pa Carifta Aquatics, selekshon di landamentu di Boneiru a haña un klínika serka kampion olímpiko, Inge de Bruijn. Esaki a tuma lugá na Delfins Beach. Otro siman e ekipo ta partisipá den e kompetensia na Kòrsou.



Pickleball lantando kabes

KRALENDIJK--E deporte nobo riba nos isla, un di e otro deportenan ku ta nobo riba nos isla, e deporte "Pickleball", tambe ta un di e deportenan ku ta lantando riba nos isla.

E interes pa e deporte aki a kuminsá krese riba nos isla i tin basta interes pa e deporte aki.

Di akuerdo ku e informashonnan ku nos ta risibí, tin basta interes pa esaki.

Manera nos a informá di esaki na diferente okashon tokante esaki, últimamente tin basta hende ta mustra interes pa esaki. E deporte aki tambe, meskos ku otro deportenan ku ta nobo riba nos isla, e deporte aki

tambe ta lantando kabes formalmente. Treinen pa e deporte aki ta tuma lugá na Jeudghuis Jong Bonaire na Playa. Esaki a kuminsá ku algun hende pero na e momentunan aki e interes pa e deporte aki tambe ta lantando enormemente meskos tambe ku otro deportenan ku a lanta últimamente aki riba

nos isla. Ta trata di un deporte kubo ta hunga ku rèket kasi igual na esun di pinpòn o tènìs por ehèmpel.

Tin basta hende, hóbenan por ehèmpel i tambe esnan di mas edat, ta musttra interes pa e deporte aki, por sièrto otro deporte nobo ku nos isla a sera konosí últimamente.

Ta trata di un deporte fá-sil pa hunga i hende di tur edat por hunga esaki.

Abo tambe ke siña hunga e deporte aki, pasa den oranan di atardi na Jeudghuis Jong Bonaire unda ta haña esnan enbolbí ku esaki pa abo tambe por kuminsá praktiká e deporte aki ku ta unu nobo riba nos isla.

Studiantenan aleman ta duna Mangrove Maniacs un man

KRALENDIJK -- A bira un tradishon ku studiantenan di Ranum Efterskole College di Alemania, ta bini Boneiru i duna Mangrove Maniacs un man.

Banda di traha riba

restorashon di koral, e grupo ta yuda tambe den kuido, plantamentu i mantenshon di e palunan di mangel.

Primeramente nan a duna un man pa yuda habri un kanal meimei di e rais-

nan.

Despues e grupo a haña serka Steve Schnoll un charla tokante para i a planta 400 palu di mangel ku tabata kultivá.



Apple Mac Mini
i5 Processor
8 GB RAM
1TB HDD

SPECIAL PRICE

\$699



We have the hottest gaming consoles & accessories!



CityShop

Smart shopping ▶ Better living

Happy Easter

30
ANIVERSARIO

14" Lenovo Laptop
i3 Processor
4 GB RAM
Windows 10



SPECIAL PRICE

\$639

OFFICIAL STORE



HP Wireless Printer

\$79



Authorized Reseller

Apple and Samsung Smartphones with warranty and support